

siel sochtē die dade in machte. **E**n die  
 mi quade dinghē wetsochtē die spraken  
 ydelheit en dochte in den dach valsheit  
**M**ar ic als een dove en hoerde niet en  
 als eē stōme die sinē mōt niet openluket  
**E**n ic ben gheworden als eē mensche die  
 n̄ en hoert en als die gheen wederspracke  
 en heeft in sinē monde. **W**ant in di heer  
 heb ic ghehoert en du selste mi vhoeren heer  
 mi god. **W**āt ic sprac op gheen tyt en moe-  
 ten mine viande hē op mi bouē vuroechden  
 als mine voete worden beweget so spraken  
 si op mi grote dinghē. **W**āt ic in die gro-  
 te slaghen der pine bereyt ben en minen  
 wee die is altoes in minen aensichte. **W**āt  
 ic sal voerkondighē dine boesheit en om  
 mine sonde dencken. **M**ine viande leuē  
 en syn ghestadicht op mi en syn vmenich  
 foudicht die mi loeselike ghehaet hebben.  
**D**ie mi quaet voer goet weder graue die  
 hebbē of ghetoghen wāt ic die goetheit na-  
 uolchde. **E**n begef mi niet hē mi god en  
 of gae niet van mi. **D**encke hē in mi hul-  
 pe mi god mijns heyls. **H**ē ghyf hē die  
**A**nt. **N**aect ghesont hē mi siele wāt ic i